

陵川縣新志

第一本

序文

目錄

舊序

姓氏

凡例

圖譜

星野

沿革

疆域

山川



新

乾隆
己亥

陵川縣志

本衙藏板

叙

青島
聖軍

國朝
御覽
甲申
新刻

六律
圖書
齋
印

壬寅
分
印

余垂髫時隨家君嵐縣任
就登聞晉有一邑而舉七
狀元者詢其地或以潭之
陵川告余是時蓋已心慕陵
川不置云越十餘年奉

陵川縣志

序

簡命

視學山西按試至潭適陵

川令程君素涵以續修陵川

志甫竣而向序於余之不佞

其何能為雖於素涵曩位

靜樂令與吾父同官余固

長事之且陵川又余所心慕

者今觀其志補缺訂訛詳
畧有法弁之簡端余弗
謝夫陵川舊有志矣續修
之者寧惟編排年月重
增若干事實而已哉洵如
是也即一抄胥僂為之尚

安顧秉筆者為惟是事
與時宜政緣俗異古今未
善為治者每有以統觀乎
一邑之形勢而得其利蔽之
所在究馴頑之故察其弊
之由爰奉其易直子鍊之

首舉一邑之興所當興草
所當草者一筆之於書
既以自盡且以待後之覽
者擇焉夫而後其書乃非
徒記載之書而經濟之書
也素涵定本補國隘之

圖附登地案之說而于風俗之
五美八弊尤兢兢焉是固異
於僅之辨星野考輿圖記
土產譜人物者而其斤斤
為治之意尤可想矣夫
休養至而民俗美利導

國

久而人材興得如素涵之
為治而其為漸靡其為培
植俾廣壯高厚之士上儲

家之選下生鄉里之光豈不
休哉豈不盛哉余扁試陵
川士習文風有可觀者而求

慶川縣志

序

四

英雋奇偉之才則尚有待
焉七狀元之遺風至今未泯
也吾烏能無望於陵川也夫
吾又烏能無望於令陵川者
夫是為序


乾隆四十三年歲在著雍閏

茂
月
涂
河
學
後
者
鐵
嶺
百
齡

慶川縣志



五



重脩陵川縣志序

郡邑視古侯國郡邑有志猶侯國
有史也凡土輿之廣狹山川之險
易財賦之盈虛風俗之淳澆學校
之興廢人文之盛衰與夫災祥變
異莫不臚而載之非徒誇多炫人

陵川縣志

序

耳目政治之得失具于是而官師
之賢不肖即因之而見從來重矣
陵川居晉之東鄙控太行接上黨
山深而險土瘠而薄保障有餘繭
絲不足隨地制宜其所賴於良有
司者甚夥天都程君宰是邑勞心

供職八年於茲病其志之闕也據
舊志而增脩之書成授梓請序於
予予披其書條分縷析綱舉目張
炳然蔚然程君為是勞且賢予復
何言顧予奉

命分

守太汾潞澤等處於陵有董率之

陵川縣志

序

責又不可無言聖王之治起于家
而不遺天下之有家者陵雖小邑
亦

子之所懷抱也風俗之澆者何以
使之淳人文之衰者何以使之盛
學校雖設何以實心化導財賦雖

首舉一邑之興所當興草
所當草者一筆之於書
既以自盡且以待後之覽
者擇焉夫而後其書乃非
徒記載之書而經濟之書
也素涵定本補固隘之

圖附晉地案之說而于風俗之
五美八弊尤統焉是固異
於僅之辨星野考與圖記
土產譜人物者而其斤斤
為治之意尤可想矣夫
休養至而民俗美利導

起而奮興追踪前哲賢邑宰復思
有以鼓舞而振作之當必有慤躬
率物示民不佻者在而政治之周
詳又其後焉者矣程君勉此非惟
他日增陵志光余且藉以風示同
人冀補吾之過是為序

陵川縣志

序

四

乾隆四十四年歲次己亥孟春中
浣之吉

賜進士出身

誥授中憲大夫山西分守驛傳道轄太

汾潞澤遼沁平七府州兼管水利

事務前刑部江蘇司主事直隸司

員外陝西
中江南道監察御

史已卯科
副考官庚辰

恩科陝西正考
辛巳

欽命巡視南漕兼理河道事務
乙酉

欽命提督湖北全省學政
加三級紀錄

五次汝陽
知紹南撰

陵川縣志



五



序

國有史邑有志所以昭往蹟
示來茲垂法戒寓勸懲典甚
鉅也故禹貢一書九州五服
山川田賦以及艸木貢篚之
細靡不畢載而周禮小史掌

陵川縣志

序

一

邦國之志外史掌四方之志
又歲遣小行人遍歷輶軒博
採方聞反命于王以備諮謀
豈僅侈輿圖之廣騁載籍之
文哉盖以之周民隴而出治
道地全

聖天

子聲教覃敷無遠弗届集共

球于萬國同書軌示八埏從

前

特命

館臣彙脩一統志因徵各省

縣邑之志凡夫薄海內外窮

陬僻壤之土物民風無不周

陵川縣志

序

二

諮而悉備休哉何道之隆與

戊戌歲予從河中量移省罷

簿書執掌僕口不遑晉接聞

陵川程明府出所修邑志稿

欲丐一言于予曰晨繹之見

夫山川疆域物產木材考核

犁然若網之在綱有條而不
紊因思志之成也詳于史凡
五方風氣與夫閨門閭巷間
奇節隱行採風者偶不及則
不能筆之于史而志獨傳之
然志之修也更難于史方隅

小邑才識之士百不得一出
宦者雖耳聞目見而非其所
好即遇有心者探奇記異而
上之人不能博採廣詢以彙
爲卷帙不數年人往風微其
湮沒而無傳者何可勝道今

陵邑志成并將銀梓以昭茲
來許後之有斯土之責者披
疆域而知保障之宜嚴閭凶
川而知險易之有備議食貨
之經則田賦之豐嗇可稽也
謀生聚之道則戶口之盈虛

陵川縣志

序

四

可驗也物產薄宜節儉以惜
物力民風鄙必禮讓以與民
行觀選舉則育才造士之方
不可緩考營築知桑土綢繆
之計不可忘至于峻節幽芳
可以維風必加獎卹崇論碩

議可以佐政必爲採行則其所以加惠斯民者豈有窮哉夫守令者親民之吏也苟不詳其地則政不洽物不審其俗則化不宜民然則是編也可以審調劑之宜施教養之

術工以佐

子周諮民隱之至治下以貽後來守土之型胥于是乎在因不揣固陋臚大畧而爲之序時

乾隆四十三年歲次戊戌仲



冬工浚

士出身朝議大夫知山西太原府事錢塘費淳撰

陵川縣

序

六



氣概

...

士因良師...

...

序

陵川在萬山深處四塞為固如
穴中一窩為雋郡清涼之域地
勢高俯瞰中州人烟歷歷如畫
壁立山城宛入天際與如也况

陵川縣志

序

如也陵邑小而土瘠論政者云
邑無大小土無肥瘠惟視乎所
治余奉

命

守澤九年喜陵俗常稱淳厚習
勤儉樂趨於善急公奉上民鮮

有好訟者邑令程君有治才長
於經理蒞任久得陵民心念陵
故有志距今四十年餘簡且缺
先質於余將謀重輯之後爰舉
數載以來身所閱歷苦心庶事

陵川縣志

序

二

熟憲於風土人情之故並詢諸
耆舊徵諸典籍備載之於志以
求其實有可行者俾後來得所
依據云書既成余披覽其山川
形勢瞭如指掌上其闕隘七

圖則案為扼要處也其他冊分
門別類皆必攷核精詳自抒所
見以定其義例要非僅抄胥舊
牘泛事鋪陳毫不加檢制聊藉
是呂塞白者可以至七狀元澄

入實事補前志之所未逮石勒
遺塚一議謂嘗在削伐之例亦
別美惡垂勸懲之法也余尤愛
其手著十三條五美八弊指陳
利害言之諄切此移風易俗之

大者余復念陵之置縣自隋開
皇年始嗣是人文輩出誠難更
僕數而文忠郝公乃以陵川傳
其集元遺山以太原才子僑寓
其間得師授為元大儒謂非地

氣之助欵抑又攷澤志有云明
道先生作宰晉城後澤州學者
如牛毛墜愛今陵之人士風氣
依然其必有追步前賢矢志不
肯多讓經緯文章出其所抱蘊

大用於世以仰副

聖天子重道右文之至意是則余之

厚望也夫

乾隆四十四年歲次己亥孟夏

穀旦

陵川縣志

古川

五

知澤州府事章水劉開燾題



序

余蒞茲土既八載邑紳以脩志
為請不禁慨然曰方今

聖天子撥文奮武披金石羅圖籍館

分四庫

乙夜

陵川縣志

序

宸披

睿鑒昭回時訂紕繆而

天威遐播中外一家雖菁蒙奧區礪

卡險境六

命國工簪筆馳駟而繪諸熒印之外猗

歟休哉千載一時矣吾陵隸

皇宇之一區迺其志之曠而未脩者且

四十年又雷公重輯時方開館而
瓜期已迫急於成書事多缺略夫
曠而不補畧而不完甚非所以仰
勗

宸衷

潤色宏猷也矧陵邑形勢為全晉

陵川縣志

序

二

之咽喉澤郡之腦味東碛西業諸
境牛壑天柱諸險或唯號含珠口
名風謠又不止如西溪春色仙臺勝
際徒供韻士之吟眺而已顧治茲土
者琴堂暇游終未嘗身試隩窅目
而治之則其形勢或不傳即耳食

浮徒而遠近舛証今古疑似雖
傳疑之乎不傳余下車即留心
疆索逾歲奉

憲

檄親查隘口遍歷阨塞聚米劃
沙胸括成竹譜而圖之今後之
覽者得以鏡焉且四十年來戶

陵川縣志

序

三

口日增也營建易置也政事有
張弛也人物事蹟學校文章
如良苗之懷新月異而歲不同
焉核其疎畧前人已遠傳聞失
實無徵不信其何以垂後因廣
搜博採剏披夕訂曠者補之思

輶

者完之訛者正之疑者辨之公論
則出之士民山川則得諸閱歷庶
乎信今傳後將來上邀

軒之採內條彤管之書者或於
是乎在時則中翰河東徐君孝
庶豫章項君廣文榆次施君

陵川縣志

序

高確討論俱與有參攷之助焉是
為序

時

乾隆四十三年歲在戊戌孟冬月

天都程德炯素函氏書於縣署

之退思堂



陵川縣志目錄

卷首

舊序

纂脩姓氏

歷代纂脩姓氏

凡例

圖譜

卷一

星野

陵川縣志

卷二

沿革

卷三

疆域

卷四

山川

卷五

關隘

卷六

卷之首

目錄

古蹟

卷七

壇廟

卷八

城池

卷九

衙署

卷十

戶籍

陵川縣志

卷十一

賦役

卷十二

賦役二

卷十三

倉儲

卷十四

學校

卷十五

卷之首目錄

二

風俗

卷十六

物產

卷十七

官師

卷十八

宮蹟

卷十九

選舉

陵川縣志

卷二十

武畧

卷二十一

人物一

卷二十二

人物二

卷二十三

人物三

卷二十四

卷之首

目錄

三

列女

卷二十五

藝文

卷二十六

藝文二

卷二十七

藝文三

卷二十八

藝文四

陵川縣志

卷之首

目錄

四

卷二十九

解異

卷三十

叢譚

舊序

重修志序

洪治戊午

新鄉 都永思 邑人

粵自天地既判山川奠形由是風景呈制人物神發而沿革因之以錯行矣夫天地道之經也山川理之緯也風景氣之弼也人物靈之驗也而因革則時之變也道以經之理以緯之氣以弼之靈以驗之時以參之而志無不萃焉夫志也者其來尚矣君子曰經則緯緯則弼弼則驗驗則參聖人之教脩焉聖人之

陵川縣志

卷之首

舊序

教人志也非直為詳覽一邑之形勝而已將使善無不揚惡無不損有今之視昔後之視今之意焉故曰聖人之教備焉維國有史維郡邑有志志之所係其大矣乎予與六泉王子河濱婁子嘗覽舊志則見夫殘腐而陋冗劇而紊苟簡而嗇何以志為於是考古蒐逸徵圖審典旁披遺逸兼詢父老久之今昔沿革名地故實似若少備迺取舊志剗其繁蕪括其要領舉類分章隨裁辨體表規制以明則備辭蹟以存古

要簡確以稽實詳論列以盡義闕生存以俟定他如

李義之津趙振之義舊志亦且弗載今皆表而出之
又如人物之紀亦畧而非詳後將焉考今各爲傳以
核其實夫仍舊弗妄也第序弗列也芟腐弗濫也增
新弗遺也弗妄則道以尊弗舛則理以莊弗濫則氣
以昌弗遺則靈以昭而時之變者以順夫然後可以
言志矣司政者倘垂省焉或亦足以考俗準治而不
蔽於所施矣至若章猷以經物昌文以詔來則尙侯
大能者思也豈敢哉

重修志序

嘉靖壬子

邑令

趙孟乾

禮縣人

陵川縣志

卷之首

二

戊申夏初僕承乏陵川首詢縣志弗得僕曰志之爲

義一邑之地理建置祠祀田賦官師人物事業文章

皆於志乎是紀矧激勸人心敦崇風化治理之難易

未嘗不與相須此志當修而不可緩者方圖成帙而

未能適當道下檄索之果無以應乃謀諸同寅及鄉

士大夫學教官生員從加訪集於其缺者補之畧者

詳之淺俗者潤色之淨誕不經者刪夷之其山川景

象古筵韶雅之地咸親履而圖畫之書完欲梓僕心

願未安特命生員徐子燾王子懽就高平黃門徑川

起翁丘正之翁又於其日樂者附之以從簡近誇者
黜之以就實至於開化理益風教而增飭其所未至
者翁之力尤居多編成不以僕不敏命序僕亦不敢
以不敏固辭嗚呼是典也積小成大考古證今不徒
欲知一郡一邑事也集全晉之志而達之天下萃天
下之大而會之一人之心者常道忠愛國家化溥天
下之盛心也夫豈但廣一己之識見而已哉若夫今
日考索編摩之詳筆削校正之當又諸君子贊成之
力也僕何預焉

陵川縣志

卷之首

舊序

三

重修志序

萬曆辛亥

邑令

許白巖

井陘人

不佞家食時每聞四方長吏咄咄嗟民之難治也已
而視其民果犇馬駭鹿之不可羈縻乎而非也夫爭
欲處先而未知持後無徒寃此黔首爲矣余以戊申
承乏茲邑值饑穰不時拮据良苦越闕歲余旣日夜
思竭其不肖之材力而吏民亦若安余之拙也害馬
去猛虎馴種樹自孽新屋漸美不佞得藉手以無詒
官常羞幸已厚矣又寧敢求多耶雖然建國君民存
所與立之綱之紀不佞所當時時總萃而提衡者邑

志非耶屬當報政之期卽會有下問不佞何以置對
公餘亟取前志讀之廢卷而嘆口惜也歷週甲子矣
而一邑之紀錄蕪沒不稱蒞茲土者汎汎然若北溟
之一萍懵懵然若夜半投逆旅未曉辭去問其主人
何不知也其所在物色何不知也余甚愧焉蓋聞之
志以記爲義黷惡不嫌並存利弊自可互訂寧披文
以相質無虛張而失其不佞雖魯無似雅不欲扞此
義亦惟是條依例附以無敢瀆越先民省方辨政章
往俟來之初意則已矣若曰孰是潤色之銳定之使

陵川縣志

卷之首

舊序

四

茲氏之乘垂之不朽者則許子之爲也不佞何敢置
喙焉然不能無慨於此有司之於一邑誰非絲聯而
桴合者得則俱得失則俱失得失之原旣有所歸則
官師一志似尤當兢兢今之志官師也率繡織語不
則模糊語不則謾無軒輊之語矣此不過曰以明厚
或以避嫌也夫志一邑之寶錄獨於官師則若沉若
浮民咸屈耳目焉其何以風所稱難治或出於此乎
余謂一官之去率不過五稔邑志之修當以此爲期
何也官之始去也其應拾最真而官之旣去也其詳

陽又易公是日也進師生父老鄉大夫於庭品既定
卽大書之曰夫夫也美政幾種政幾始惠而終厲幾
大瑜而小瑕幾天然後於志法得備書者鱗次附焉
曰某從某風勵之闡懌之也曰某從某委頓之凋瘵
之也使後人觀之法戒凜然具在使鸞天聞之賢者
可自庶幾於無過而不頰口噤而舌不下者則非夫
矣如是則有司之改絃可強半或不率委於民之難
治其有療乎斯區區責備官師意也然未敢徑行其
意後有同調者請自不佞始可矣事既竣謹識月旦
陵川縣志

卷之首

舊序

五

以俟觀風者採焉

重修志序

順治戊戌

邑令

黃國燦

鄆城人

鄉邑州郡之有志所以佐國史也而其制昉於禹貢
職方間嘗讀二家之言見其紀九州也奠山川分土
田慎貢賦斯王政之鉅者載之宜其詳若夫生齒之
數穀畜鳥獸蕃息之宜雖細必書後杜氏之典王霸
之治猥瑣不憚煩俾後世有所據而考証雖其鞅掌
矜况而無所亂經世阜民之道若是已故其籍必詳
於史志蓋邑志者一方之史也縣令者百里之命也

以之佐皇王而殷邦輻俗無一物非王產也無一人非王民也無一事非王務也而政於是乎繫倘舉大而畧小選華而遺實與歲更月異劑盈量縮罔知規前而利後烏乎可知此則可以喻志已陵川居太行之巔蕭煩產薄民實病焉乙未冬余初受命爲令晝夜孜孜稽其利弊以圖酌之爰諮掌故遂得邑志乃前令趙公詮次而許公爲之重修迄於今戶口之盈虛繇役之輕重風土之盛衰人才之難易不無五十年一小變矣沿襲故蹟罕所振刷其何以備目前

陵川縣志

卷之首

舊序

六

朝

之經制乎戊戌仲夏余開館延諸文學乃語之曰我鼎新政有因革茲欲更新其志誠難之也夫志不難於剿說而難於因時諸君子能因時以著文因文以昭實使守土者因實以釐事因事以畫政斯其難也僉曰誠難之也敢不各出其虛公殫其見聞正舛譌核名實兼考歷代國史碑銘與夫稗官小說咸摭其可徵者而又質之人情裁之天理以秩王章以嚴治紀以明物則以正人倫四闕月事訖闕斯志也經野分星正疆定制以至宰物宣化興學勸士及之旌廉

汰墨損枉昭良時不鑿鑿可證而監政時令諸書又皆足以達民隱正風俗翼贊經綸可襄太平之治謂止於記載陳編已耶余聞之媿煦敲哺者一時之澤也陳藝表極者百世之功也但得後之秩官常稔此志惠利無疆此上治也斯非禹貢職方之所用情而杜氏王霸所由茂其績歟是以知協贊之力焉故併錄之

重修志序

康熙甲戌

邑令

孫必振

諸城人

周官小史掌邦國之志外史掌四方之志以察民俗

陵川縣志

卷之首

舊序

七

以稽吏治郡邑視古侯國而無史官邑之有志意昉諸此膺民社之責者以時考事次其闕矣式備一方之史亦猶行古之道也行古之道莫春秋若嚴美刺昭勸懲筆則筆削則削游夏不能贊一詞固千古史學之宗也而邑必有志典章存焉教化寓焉治忽辨焉以備考風微獻之典詎不通於其文則史之遺乎然余竊有疑於今之邑志也疆里建置賦役物產風俗古蹟各有志不過稽其因革仍其掌故以備考而已若無所爲可否也至於人物者治忽之所從出教

化之所自起而典章之所自垂也前人之善後之表也前人之愆則後之鑒也今何以曳綬飛烏者多志之日某某爲很良而墨者不問焉寒氈司鐸者多志之日某某真師範而庸者不問焉科甲明經旁贊其政事宦遊之馨布衣儒雅傳會以忠孝節義之名不幾於美而無刺泛而寡當與將何以觀而感感而勸且懲也昔楚史記名檣柝專主乎記惡懲戒之義今之志獨不聞焉豈今人盡賢於古耶抑志不足信如孟子所謂盡信書不如無書耶余深用慨焉脩學之

陵川縣志

卷之首

舊序

八

後將謀修志適奉檄徵邑志爲輯通志故也夫美而無刺或竊附善善長惡惡短之意與條次舛陋字畫魯魚舊者泛而寡當新者闕失未次何以備一邑之觀而辱大方之日哉將亟爲改觀蓋囊不能佐梨棗費詢於耆宿畧爲點較以備一邑之志則可若欲取一邑之志一一愜予之志自附於行古之道則予未肯自信也雖然比字備句存乎志者也神而明之存乎讀志者也

披星野之圖則思郎官上應列宿何以無忝厥職
弗獲罪於上帝也觀疆域山川則思何以設險何以
制勝也備城池之彈丸何以固吾圉坐公署而退思
何以補吾過也視學校之廢則鼓之舞之以敷聖人
之化承祠祀之典則敬而不瀆以貺百姓之庶也稽
貢賦拜戶口則思何以省而不煩庶而不耗而且一
切之利何以興弊何以革蠹何以剔也考人物之顯

陵川縣志

卷之首

舊序

九

聊觀風俗之貞淫何以是非不致混同淑慝且能各
別也擷往哲之遺文對韓陵之片石將何以登高作
賦遇物興銘不使簿書涸人山水笑客也以時考事
變而能通用其經權一裁之以道義則邑之有志詎
非膺民社者經濟之書哉讀志而窺其要領識其大
體以存典章以寓教化以辨治忽自附於行古之道
予雖未敢自信乎亦聊以志吾志也康熙十三年艾
月之望書

康對山海武功志約二萬言而意已足記云辭尚體
要無徒煩言陵川萬歷年許志猶存半册中尙簡約
而洪治都志且云遺趙鎮之義李義之孝而不書則
從前荒畧可知武功志畧其所當簡陵川志畧其所
當志是簡又非其宜說者又謂志有史法夫志安得
有史法紀星野方輿不似史詳營建貢賦不得史論
官師人物不能史列選舉藝文又未可史何者而可
用史法無已縮句約字爲之而又慮其不昭晰而况
一邑也凡懸象之著明與地之廣袤民物之繁夥事

陵川縣志

卷之首

舊序

理之雜糅又必窮極古今察極細大安在其能簡要
若武功之簡其所當簡正不必以縮句約字之爲近
乎簡而已前志自明季許志後一修於順治戊戌再
修於康熙甲戌到今已六十二年其間因革損益遷
流興廢之跡揆之天運三十年一小變之說已過之
而烏可不及時纂修以承先而示後歟正於乾隆三
年奉

命來宰是邑披閱舊志知前賢原有未慊心之語而
按部就班中殊多未盡之處兼之六十載頗有不可

不增修者因是用檢郡乘載攷陳編與邑之老宿合
謀而重修之正汚之下土也雖一行作更淵源世業
其青氈故物尙印初心乃不揣妄庸特提而論之匪
敢曰創前人之所無亦未始不開後人之所有固規
舊跡實闢新塗俾後之踵是而循行者不無有徑術
之可托焉

陵川縣志

卷之四

舊序

十一

終

陵川縣志

纂修姓氏

纂修

候選府同知陵川縣知縣加三級紀錄十二次程德燭

同修

江西南昌府新建縣庚寅科舉人項炳

候選內閣中書陽城縣儒學教諭庚寅科舉人徐昆

陵川縣教諭辛巳科進士施澹樞

督刊

陵川縣志

卷之首

姓氏

陵

川

縣

典

史李耀瑄

山西澤州營分防陵川縣外委千總張桂

經理

癸

酉

科

舉

人武敦

庚

辰

科

舉

人王希曾

太原府興縣教諭拔貢生趙時和

拔

貢

生武維藩

拔

貢

生秦懋效

歲

貢

生張士謙

總校

邑

優

廩

生武去私

分校

鳳

臺

縣

增

生馮亮工

邑

廩

生馮思良

邑

廩

生和友邦

邑

廩

生韓 彬

邑

廩

生傅 弼

邑

廩

生秦懋敏

陵川縣志

卷之首

姓氏

邑

廩

生秦學南

邑

廩

生王 琨

邑

廩

生都壯邦

邑

廩

生張和松

邑

廩

生王伯儀

邑

廩

生甯靜遠

邑

增

生楊 炳

邑

附

生武振山

邑

附

生李思白

邑

附

生馬 棟

採訪

邑

恩

貢

生焦 晏

邑

歲

貢

生竇書香

邑

歲

貢

生馮浩然

邑

歲

貢

生趙光晉

邑

附

生魏宗孔

邑

增

生趙老教

邑

附

生馬大年

陵川縣志

卷之首

姓氏

三

邑

增

生曹封周

邑

附

生李養元

邑

附

生楊灝

邑

附

生張終

邑

附

生謝

邑

附

生

邑

附

生

邑

附

生

歷代纂修姓氏

明洪治中邑人都永思重脩

嘉靖中邑令趙孟乾重脩

萬歷中邑令許自嚴重脩

國朝順治中邑令黃國燦重脩

康熙中邑令孫必振重脩

乾隆五年邑令雷正重脩

陵川縣志

卷之首

姓氏

陵川縣志

凡例

一舊志分門初無層次是編先天文次地理中
列戶口乃詳官師人物等隱然寓天地三才
由庶事富既富方穀之意而以藝文殿其後
詳異叢譚闡其餘

一繪圖爲志書眉目亦有舛錯攷證無從矣是
編移載於前皆數易稿而後定至關隘七圖
爲設險而新增因特載關隘門內

陵川縣志

卷之首

凡例

一志書最忌陳陳相因勦說雷同毫無手眼是
編期成一家之言今開卷知爲陵川而發

一人物傳舊不載陳龜而載陳禪既屬錯誤其
以節行孝義文學隱逸分類或一人數見竟
至着語寥寥夫人未有大節有缺可稱人物
者况一邑之乘不同省志一統志等書故按
其朝代著賢標異不復分門惟寓賢技術仙
釋不可混列故附載其後

一舊志七狀元多無傳而疑世遠難稽今攷

氏家乘所載頗詳亟爲補入他如武氏相地必會
在遼水而志不錄楊筠松爲武氏相地必會
身到陵而志不收皆缺畧也均爲補入他如
趙狀元止爲補書官爵以帥臺補入古蹟事
迹無徵付之浩歎

一舊志列女止載明以來類皆孀婦烈女著其
幽貞夫孟母三遷不曾因和舟而著歐母荻
劃不專以松節而傳攷武學士之母及郝文
忠之母卓識名言丈夫不如故特表之以爲

陵川縣志

卷之首 凡例

二

列女之冠

一陵邑風俗本屬醇朴然數載親民不能道其
美在何處弊自何由是與民隔膜矣以八載
所閱歷條分美弊欲其進而愈上變而加醇
不敢僅抄成說渾言風俗由舊

一藝文有關於陵者乃載其他文集雖多佳構
不敢濫收卽郝文忠集所採較夥然亦細爲
斟酌蓋陵志非郝志也其雜著前後總以朝
代爲序詩爲一卷則以各體而分

一戶口賦役考核必詳倉儲學校叙次雜謹非
誇多而闕靡蓋戶口爲撫字之由賦役爲政
事之要倉儲者養之源學校者教之本觸目
關心庶常存維日孜孜之意

一 是編門類有新增者有依舊者事蹟既多於
前藝文亦富於舊不敏謂上掩古人止求無
愧我心云爾

案涵氏識

陵川縣志



卷之首

凡例


三

終


陵川縣志



圖溝
正東一百二十里輝縣界
東南一百二十里輝縣界



陵川縣志



正西四十里高平縣界

西南七十里鳳台縣界



縣境廂圖



陵川縣志

卷之首

圖譜

三





縣志圖

陵川縣志

卷之首 圖譜

四

東岳廟





校場
先農壇
文廟
王公祠

陵川縣志

卷之首

圖譜

五




成湯左
節孝祠
普濟院
育嬰堂

陵川縣志

卷之首 圖譜

六




陵川縣志

卷之首

圖譜

七




陵川縣志

卷之四

圖譜



八



函漂菑

陵川縣志

黃園奠歎


台法說



卷之首

圖譜

九



陵川縣志

卷之首 圖譜

十



新川縣志

新川縣志

卷之首

圖



錦屏巖霞

廣川縣志

卷之首

圖譜

十一

南嶺卧雲






巽山地理

陵川縣志

卷之首

圖譜

十四



巽山

村北台

老君殿

巽山

清溪

仙官膳驛


陵川縣志

靈泉瀑布

卷之首

圖譜

五



陵川縣志

卷之首

圖譜

六



按志類有繪圖非徒炫册簡也卽以陵論繪其境
則叢爾繪其城則彈丸繪其山則綉綉繪其水
則涓涓繪其景亦非如蘇堤雷塔艷照笙歌畫
船也然於叢爾彈丸間想見陵民之朴而醇
田之确而瘠並於一邱一壑想見遺山伯常諸
先生巾履俯仰與夫山農負販之奮而懋勞而
息則示掌於是乎在

星野

璇璣運玉繡壤分星可以一邑泥乎曰不可或
 以澤州應豸參澤統五邑果胡芻而胡參或以
 趙地繫昴畢陵川趙地豈兼畢而兼昴即專主
 昴宿引長平之役太白食昴為証然泣氏既分
 兩邑不能別其孰卷舌而孰彌石烏天阿而烏
 天陰也然則可芟諸曰不可天人之際默相通
 焉宰一邑而惴惴於民生之疾苦則列耀所臨
 陵川縣志

卷之一

星野

昴宿圖



丹元子步天歌


恰似瓜叉八星出附耳畢股一星光天街兩星畢
背旁天節畢下八烏幢畢上橫列六諸王王下四
皂天高星節下團圓九州城畢口斜對五車口車
有三柱任縱橫車中五個天潢精潢呷咸池三黑
星天關一星車脚邊參旗九個參車間旂下直間
九旂連旂二十三烏天園九旂天園參脚邊
天官書畢曰一竿車為邊兵主弋獵

星經畢八星似瓜叉明大吉移動則霖潦

陵川縣志

卷之一 星野

三



丹元子步天歌

三星相近 作觜彙觜上座旗直指天尊卑之位九

相連司怪 曲立座旗邊四鳥大逆并鉞前

洛書甄耀度 西方白虎而觜參為虎首故有觜之義

星經觜三星 在參之右角如鼎足形至天之關明大

吉

史記天官書 小三星隅置曰觜觶為虎首主葆旅事

考要西方為 白虎宿在參右故曰虎首宋均云葆守

也旅猶軍 旅也言佐參伐以斬除凶也張衡云葆

陵川縣志


卷之一

星野

四

旅野生之可食者

星宿參



丹元子步天歌

總是七星背相侵兩肩雙足三為心伐有三星足

裏深玉井四星右足陰屏星兩扇井南襟軍井四

星屏上吟左足下四天廁臨廁下一物天屎沉

星經參七星兩肩雙足三為志為忠良孝謹之子明

大則忠臣孝子吉安一曰參伐一曰大辰一曰天

市一曰鈇鉞至斬刈又為天獄至殺伐又主權衡

所以平理也又至邊城中央小三星曰伐天之部

射也

陵川縣志

卷之一

星野

五

史記天官書參為白虎三星直者是為衡石下有二

星兌曰伐為斬艾事

按一邑而脩四宿何集諸說也春秋緯文耀鉤

曰太行以東至碣石王屋底柱冀州於斗柄屬

樞星樞北斗第一星此不專言晉也史記云晉之疆候

辰星占參罰漢天官書曰五星屬辰漢書注曰

辰星至冀絜井皇甫謚曰趙分野自井十二度

至東井十五度曰實沈之次於辰在申故論晉

星者多以參分主之唐書天文志曰參伐為我

案爲武政當河東盡大夏之墟上黨次居下流
與趙魏接爲背虜之分是又以背虜分主之矣

寰宇通志云澤背虜參井之分圖書編云山西

都郡汾州參平陽澤州背參皆以澤州主背參

漢書地理志云趙地昴畢之分野趙分晉得趙

國西有太原定襄雲中五原上黨上黨本韓之

別都也遠韓近趙後卒降趙皆趙分也皇甫謐

帝王世紀自胃七度至畢十一度曰大梁之次

斗建在辰今趙分野自畢十二度至東井十五

陵川縣志

卷之一 星野

二

度曰實沈之次斗建在巳今晉魏分野云云則

又屬昴畢分矣澤州舊志云參晉星也韓趙魏

衛之界晉土也然亦大畧耳其說極是又謂土

黨趙之分地秦趙遇於長平太白食昴未嘗食

參以爲泣氏必主昴則又失於拘矣蓋昴曰旄

頭總主兵象非專指長平而應以地也然不廢

主昴之說者則漢書地理志趙地畢昴之分野

原兼昴也孫氏承烈痛據魏太史令陳卓分繫

二十八宿之說以爲揚在東而星紀則在北雍

在西而鶉首則在南冀在北而大梁則在西齊
魯俱在東而降魯乃在西元楞又在此是躔次
之參差爲可疑衛在河內與并無涉也乃衛不
屬豫而屬并魯在山東與徐無涉也乃魯不屬
兗而屬徐晉在太原與益無涉也乃晉不屬冀
而屬益是州郡之錯互爲可疑然星辰繫天山
河在地斷不能尺界刀劃而分組設圭於霄漢
之表觀象者各據所見或袤或斜或左或右自
不同耳必泥於百里之地而專求所屬是管窺
也或因百里之地而不列所屬是滲漏也故並
列四宿節引前人之說而存之亦卽澤州志所
謂大畧言之之意

澤州縣志

卷之一

星野

七

沿革

古今有變易版章有分合故沿革不可以不辨
陵川與高平二而一實一而二沿其所沿所以
辨共同如陳龜泣氏人而陵亦收之是也革其
所革所以別其異如長平在今之高平則其事
不必載是也爾析今古指屈合分令披卷者得
以覽焉志沿革

陵川縣春秋屬晉戰國屬韓改屬趙後屬秦爲高都

秦開縣志

卷之二

沿革

一

縣屬上黨郡入漢置泣氏縣晉因之北魏置建州
始置高平縣隋開皇三年改建澤州十六年析高
平置陵川唐武德初改建州二年置蓋州八年改
澤州天寶屬高平郡乾元復屬澤州五代宋因之
金初屬河東南路後改孟州合去陵川元屬晉寧
路領六縣復陵川至元省陵川入晉城至正復陵
川明初屬平陽府後仍屬澤州直隸山西布政司
國朝因之雍正六年奉

古升澤州爲府州治改設鳳臺縣統五縣鳳臺高平

陽城陵川沁水府治在鳳臺

歷代沿革考

唐堯都冀州三面距河

虞舜紹堯肇十有二州此屬冀

夏禹貢冀州之域

商冀州祖乙都耿屬畿內

周成王九年封小弱弟於唐子燮父更號晉高都之

屬為赤翟留吁鐸辰之所居

畢氏四州文獻曰

陵澤隗姓國即陵子壽胡也今陵川唐咎如社

陵川縣志

卷之二

沿革

二

例云赤翟別種今壺關陵川

鐸赤翟春秋鐸還

父邑今陵川之鐸壑訛奪火

春秋屬晉魯宣公十六年晉滅翟此為晉周安王三

十六年趙魏韓廢其君食以端氏一城三分晉地

韓分晉地正義云秦上黨即今澤潞儀

遂州沁四

州之地兼相州之半韓總有之至七國時趙得儀

沁韓猶有潞州及澤州之半半屬趙魏趙有上黨

僅四載周赧王五十三年秦白起伐韓上黨路絕

上黨地遠韓近趙守馮亭謀歸趙以趙韓為一可

以當秦五十五年趙以廉頗守長平趙用間以趙折代將遂盡坑趙卒地悉爲秦有

秦置高都縣屬上黨郡

上黨今潞安高都今澤州

漢置十四縣泫氏高都陽阿屬上黨郡

舊志漢置六縣誤

後漢屬并州上黨郡十三城有泫氏高都

周禮正北日并州共

鎮曰恒山

晉志并州統上黨郡

永興元年并州地皆爲蜀元

海所有蜀曜徙長安其平陽以東地入石勒

興三年劉聰寇上黨僞稱漢爲石勒所滅石勒僞

陵川縣志

卷之二

沿革

三

稱趙已據有河內十一郡並上黨等十三郡合二

十四郡南至孟津西達龍門東至於河北盡寒垣

未幾轉相滅亡無子遺

比魏永安二年置建州四郡以高平泫氏屬長平郡

治泫氏

高平名縣始此

北齊仍置建州領郡二縣因之

後周建泫氏爲高平郡併長平高都入焉

隋開皇三年改建州爲澤州

名澤州始此

十六年析高平

置陵川

名陵川始此

大業三年復收州爲郡置長平郡

領陵川等六縣義寧二年復改長平郡爲澤州

再分天下爲十道此屬河東道武德元年於丹川置

建州三年於長平置蓋州八年復澤州治端氏正

觀元年廢蓋州徙澤州治晉城領晉城高平陵川

三縣天寶元年復改澤州爲高平郡領縣六晉城

陵川陽城沁水端氏高平乾元元年仍改澤州屬

河陽節度

五代唐末屬昭義軍晉梁爭此所屬不常

宋分天下州軍爲十五路此屬河東路澤州高平郡

陵川縣志

卷之二

沿革

四

縣六有陵川

河東今平陽府

金屬河東南路正祐六年改屬孟州正大元年以澤

州爲忠昌軍統縣四晉城端氏高平沁水合去陵

川

元初屬平陽路大德九年以地震改爲晉寧路

以澤州爲

路中統元年置司校司領晉城高平陽城沁水陵

川端氏六縣至元三年省司校司併省陵川入晉

城至正後復置陵川以澤州領五縣

明洪武元年以晉城省入澤州隸平陽府九年改隸

澤州屬冀南道領陵川等四縣

國朝初因明舊雍正六年奉

旨升澤州爲府州治改置鳳臺縣統五縣

按州縣之名古今多異獨陵川自隋開皇分置

以來無別名其稍有因革則元至元二年省陵

川入晉城然亦不久而復置復置則仍名陵川

也或隸建州或隸澤州澤州卽建州非兩地也

唐武德元年置蓋州領高平丹川陵川三縣並

析置蓋城縣以隸之蓋城故址去今陵川縣治

陵川縣志

卷之二

沿革

五

五十里今名蓋城村東曰城東村西北曰附城

村皆在陵川境然是時特析置蓋城非改陵川

名也明初雖隸平陽府後遂改隸澤州則隸澤

州者其常矣夫以禹貢形勢論之堯都平陽澤

爲冀州內之近地沿及虞夏及商代皆屬畿內

非三代來卽爲赤翟地也周後王德薄乃爲赤

翟所去晉文納王以圖伯必先有以制之而後

東道歸厥後宣公十五年晉師滅赤翟潞氏十

六年滅赤翟甲氏及留吁鐸辰則全境皆爲晉

有矣自秦以來陵川皆與高平合自隋以後陵川皆與高平分汝氏即陵川而陵川不而蓋汝氏蓋城即陵川而非以陵川爲蓋城此與大畧也

陵川縣志

卷之二

沿革

六



移

陵川縣志卷三

疆域

周官大司徒之職必周知地域廣輪之數辨其
林藪原隰而後十有二土十有二教胥於是而
興陵川四境不逾百里居民率邑落於山坳環
丁間犬牙雖錯於隣封蕃布可疆以戎索茲清
載其村莊道里俾閭邑之袤斜廣狹一一如指
上螺紋然後南朔東西可考而定矣志疆域

疆域橫亘一百七十里延袤一百一十里在府治東

陵川縣志

卷之三

疆域

北至府一百二十里

東至雲谷圖五里至楊子掌十里至脚兒頭二十里
至侯庄村二十五里至大佛掌村三十里至馬圈
村四十里至上河村五十里至崇興鎮六十里至
嶺東村八十里至圪老水一百里至早生村接河
南輝縣界一百二十里到輝縣治二百里

南至張家庄十里至潞城二十里至老槐樹嶺三十

五里至和尚坂五十里至鳳凰窰六十里至尊火

鎮七十里至河南修武縣望仙樓山九十里到修

武縣治一百五十里

西至井坡村三里至庄裏五里至牛家川十五里至

冷峽底二十五里至蔡家坪三十里至申庄三十

二里至禮義鎮三十五里接高平縣界韓村四十

里到高平縣治九十里

北至瑤掌村三里至楊樂村十里至侍郎崗十三里

至北爐河十五里接壺關縣界馬鞍山二十里到

壺關縣治九十里

東南至岳家庄五里至石門村十五里至上郊村二

陵川縣志

卷之三

疆域

二

十里至八瀆嶺四十里至四義村四十五里至橫

水村五十里至礮底七十五里至大礮村九十里

至孤石上一百里至灣子村一百一十里接河南

輝縣界平田村一百二十里到輝縣治二百二十

里

西北至三道河十里至石井十五里至川子村二十

五里至牛皮掌三十里至池下鎮三十五里接長

治縣界觀火嶺四十里到長治縣治一百二十里

西南至劉家脚五里至四堰舖十里至石子嶺十五

里至嘉靖舖二十里至營裏二十五里至罐泉三十里至小回嶺三十五里至附城鎮四十里至后子山四十五里至梧桐舖五十里至西王舖六十里至焦家會六十五里至峯頭舖七十里接鳳臺縣界到鳳臺縣治一百二十里
東北至楊寨村十里至北趙村二十里接壺關縣界神郊村四十里到壺關縣治一百五十里

立界

縣東南碾底百二十里乾河接輝縣界有界牌

陵川縣志

卷之三

疆域

三

縣正南一百十里瘦驢嶺接修武縣界有界牌

縣西南七十里峯頭舖接鳳臺縣界有界牌

縣西四十里禮義鎮接高平縣界有界牌

縣西北四十里觀火嶺接長治縣界有界牌

縣北十五里平城鎮又五里馬鞍豁接壺關縣界有

界牌

縣東偏北九十七里碾腦又三里有河至輝縣界以

河中一石爲界

正東皆大山與輝縣接界由縣東六十里崇興鎮志

馬武砦有下輝縣路

縣東北由壺關邊界出林縣窰龍山一百一十里

陵川縣志

卷之三

疆域

四

終



縣東其直產... 縣志... 卷之三... 疆域... 四... 終

山川

三晉多山少水而陵川爲最陵居太行巔高中
州九千四百八十仞俯視王屋底柱析城蜿蜒
一支矣雖有潞浙等水皆山谷細流束隘於曲
峽回崕間無汪洋灑瀚之觀然則崔巍岷岬輪
茵輻輳陵山也而川不與也肝蠻鏗鉉陰深束
怒陵川也而不離乎山也以縣治爲主經之緯
之劃之纚之綜緯纏切鈎連滑沕某幾里某幾
陵川縣志

卷之四

山川

里陵也而川寓矣不周之風因陵而烈蒙養之
泉以川而通故實核之爲陵川存真而目志山
川而形勝附焉

菊嶺山邑東五里高二里許多產菊有捍水口一名
漳門山上有龍王祠前有文峰塔邑令黃國璨種
松千株今鬱葱成林

東海神山東十一里

箕子山東二十里高五里西南山麓石上有巨人足

跡云箕子於此納履

流泉山東四十里

馬武山東五十里馬武百里西山峭壁相傳漢馬武築
砦屯兵人呼爲馬武京砦山陰積雪經暑不化

花瓶山東五十里

板山東五十里形方肖似接熊耳山
風門山東六十里山形如門連板山

孤圍山東七十里有東西兩圍平田水由中而出其
源一出孤峰山深處一出花瓶寺岷半至孤圍山
合而流於平田沿村水磨皆賴之

陵川縣志

卷之四

山川

二

天柱山東八十里勢峭拔下爲輝縣薄壁鎮

錦屏山邑南二十里山多芍藥翠嶂如屏宋元豐間
邑人都君錫棲此邑令呂由夷偕名流高子美谷
漢臣入山訪之爲芍藥會

龍門山邑西一里兩山橫亘中缺似門

鳳山邑西南四里上建龍神祠春秋有祀典祠下清
泉湧出漫流西溪明張太僕瓚詩邑城西去鳳山
西流水淙淙遶大隄鳳山俗名龍王頭

魯山西十五里雙峯蔚然

黃沙山邑北十里一名天一又名太乙爲邑之主山
北接蒲水

聖宮山北二十里接壺關縣西南界有蒲水西南流
入鳳臺合丹河

黃園山邑東南五十里孤峯插天陟頂見黃河山半
有洞

五谷山邑東北二里上多神祠

嵩山邑東北三十里金末郡人李俊民避兵於此

佛子山東北四十里乃太行絕頂東望黃河二百里

陵川縣志

卷之四

山川

三

外秀出一方爲境內第一峯上有靈雲寺

六泉山東北四十里上有六泉自山半洞中出山接

熊耳

熊耳山東北六十里兩峯峭立狀如熊耳水流其間

月自峽中吐出下有空翠亭俗呼爲支弓豁

棲鳳山邑西南四里其東有泉繞山麓百餘步而伏

上有感應亭

靈泉山西南十里山有靈泉

馬鞍山西南四十里

赤石山邑西三十里土名俱赤故名楊筠松爲武氏
相胙地於此山之陽博士武少儀嘗嘯傲其間

鳳凰山西南七十里形似鳳接高都河至鳳臺縣五

十里

古賢山西南七十里隋僧曇如居此

臥龍岡邑西北一里上有崇安寺

秦嶺邑西北三十里秦白起築以遮趙救兵絕芻糗
之所

寶應山西北四十里接長治縣西火嶺界秦嶺之北

陵川縣志

卷之四

山川

四

峯也時有雲棲其上一名掛雲山巖半有寺甘泉

古洞幽間遼迥相傳昔一僧創寺屋材悉取自洞

中寺成僧退入洞擁大石自閉焉此山高與佛子

山東西相望城邑有拱抱之勢

狀元峯孫志云兩峯並立削如青萍星屬木因發武

明甫叔姪三狀元趙安時伯仲狀元崔有孚十五

發解三十五狀元及第金狀元李俊民郡人也值

蒙古南下避兵邑之嵩山元世祖召之不拜使中

貴人護送歸又令張仲仁問以詳異皆驗卒謚莊

始先生故知縣楊建七狀元祠於東川武氏至今
子孫未艾趙崖墳墓倖存而已

九仙臺邑西南六十里頂廣而下削上架屋爲祠中
有三洞可循級而登相傳此仙跡下有清涼泉繞
其趾

黃圍洞邑東南五十里黃圍山中洞中有山有谷有
風門雲門神井靈湫有淨圖石乳滴成者昔人秉
炬深入四五里遇橫河一朽木不敢越而出洞口
一峯中空如門相傳達紫圍翠微洞俗呼黃梅洞

陸川縣志

卷之四

山川

五

王莽臺邑東六十里

八寶嶺邑東南三十里迤東由黃圍洞經崇興鎮志

馬武寨

東梅洞邑東六十里

祖師頂邑東七十里邑人朝山者飯洪水由黃梅洞

折而上

老槐樹嶺邑南四十里又南二十里至奪火店又十

里至軍寨有墩臺營坊

東腦山邑東北一百里

白脚山邑東北一百五里

東山邑東南八十五里

西山邑東南九十里

東西兩山上下中七里迤三里嶺 山邑東南黃

園山右遶而下去城六十里有七里迤至礪腦凡

三里有三里礪至礪底凡三里下接輝縣界三十

里 迤延緣懸崖邊徑也礪有七十二折兩山夾

礪直下蹇足徑復迴曲而建者

桂桃山邑東南一百里

陵川縣志

卷之四

山川

六

牛壁山邑南一百里至修武縣界牌一百十里

瘦驢嶺邑南一百十里接修武界

觀火嶺邑西北四十里接長治縣界

王莽嶺邑東一百二十里接輝縣界

黃華山在陵川壺關間明宋濂題王黃華詩後有黃

華山王王庭筠元史庭筠河東人

石人山在圪老郊村南有石峙立如人形

抱犢山在邑東四面絕壁土人抱犢上山養以耕田

以大牛不能上也離馬武寨東門數里

怪峯山在邑東南五十里其山巒拔雲端山麓有三孔水從中出忽隱忽現不因旱潦故名

虎頭山在洪水南土人相傳下有八寶洞

方山四面如削成在馬武寨南數里任家台北

孤峯山在邑東南七十里山形舉犇嘗有紫霧騰於峯頂而滂沱游至

綉針有二名曰東綉針西綉針在北名村瓦窰口之東北山卽樂家坡坎中有二仙古廟西有蘇家灣皆屬陵川離縣三十里

陵川縣志

卷之四

七

孟門山尹子曰龍門未碎呂梁未鑿河上孟門之上大溢逆流無有邛陵高阜滅之名曰洪水穆天子傳北升孟門九河之隘其上多蒼玉多金其下多黃堊涅土

佛頭山離邑一百里高嶺崇巒勢若列屏山頂正中恰如人首在鯉池寺之北

斜脊山儼若人眉在鸚鵡水掌之上鯉池寺之西離縣一百里

昭君山俗呼爲皂君山由東碾腦而南盤旋而上高

約十五里西岩絕壁冲天險不可狀山中有一洞
名曰黑風洞遇天旱里人所禱必應離邑一百里
東巖山離邑一百三十里在邑之東離東碛腦二十
餘里去東十里則屬輝縣界

蓮花山形似蓮花在孫公峪之東北離邑一百十里
至三媽礦由三媽礦而至小梯屬輝縣界離縣一
百二十里

齋窖山前任孫公改爲孫公峪離縣七十里

五靈脂池絕壁冲天半壁中嘗有五靈脂生於其處

陵川縣志

卷之四

山川

八

離縣八十里

京山在嶺東之南離縣六十里

熊耳山之東偏北有銅谷礦趙家嶺以至黃崖底係

壺關界離縣六十里

含珠岩在邑東接河南輝縣界

蝦蟆池在邑南義門村錦屏山下上有大石盤數層

遇大河下則水擊石而有聲其聲鞞鞞如石鐘然

此卽舊志之所謂濯浪石也是河發源於縣治東

北堯庄村俗名曰爲東大河漸流而下自大回石

掌九光山流而轉於南從白山掌過路城次義門
水勢至此更遠且大順流從洪河頭郊底村折入
圪塔裡并桑家平山平入於栢崖杖河以及東西
堯泉穿九仙臺而向西南則入於鳳臺縣夾山溝
矣

清涼泉在古賢寺東里許其水自蒼龍山麓從地中
湧出曲流而下繞古賢寺而去

雁翅泉形如雁翅中有水泉鬢沸而去在分水嶺之
前鯉池寺之東離縣一百一十里

陵川縣志

卷之四 山川

九

圪老水在嶺東之正東至王莽台三十餘里過滴水
寨屬輝縣界離邑一百二十里

紫團洞離縣六十里其水自浙水而北至紅底寺南
北口屬壺關界

平田水邑東南九十里源出孤峯山下流注河南輝
縣入衛河地多松栢居人作香磨資生

浙水邑東北四十里東流逕壺關縣界又東南入縣
境又東入河南林縣注於滏陽

滏水邑西北二十里發源聖宮山西流南下入長平

丹河東接壺關馬鞍豁界

瀑布泉邑東北一百里懸崖輕澗漾如飛烟驟視之不知其為水也一名鯉池旁有含珠岩鯉池寺

西溪邑西南五里發源鳳山其地陽煦得春最蚤花柳鮮妍春游人多集此上有二仙祠又有響泉宋張文潛有記說見趙安時二仙碑

六泉邑東北六十里泉自山半洞中流出

雙泉邑西南四十里二泉相去不數步一甘一苦

一斗水邑東九十里巖上鍾斗許水滷之不竭亦不

涇川縣志

卷之四 山川

十

溢

甘泉邑西北四十里寶應山左味甘

義井邑西二十里水味獨甘

雙頭泉邑正南一百里在瘦驢嶺旁

形勝

全居山內土瘠地狹唐杜牧之書

在太行之巔天壤間清涼境也元遺山集

萬峯環列通氣最遲通志

突中一窩天機會元

張裡山河土風敦質歷五季屢基王業雄視天下

清陵川集

俯視中州九千四百八十仞

文水清述遺山語

佛山之高黃河可隄五度之險一夫可守民安其中

四塞為固鮮羅兵革之擾

舊志

陵川縣志

卷之四

山川

十一

終

四塞為固鮮羅兵革之擾

佛山之高黃河可隄五度之險一夫可守民安其中

四塞為固鮮羅兵革之擾

舊志

陵川縣志

